



Page: 10

Reach: 0

Country: BOSNIA AND HERZEGOVINA

Size: 92 cm2

1 / 1

"Rebus" Osumnjičeni pred tužiocem

Prodajom čevapa utajili 5,5 miliona KM poreza?

SARAJEVO - Adnan Mrkva (44), Amel Čapin (43), Ermin Špilja (30), Adis Biberović (31) i Arif Malići (46), koji su uhapšeni u policijskoj akciji "Rebus" zbog sumnje da su utajom poreza u lancu poznatih sarajevskih čevabdžinica "Mrkva" oštetili budžet FBiH za više od 5,5 miliona maraka, predati su juče u nadležnost Kantonalnog tužilaštva Sarajevo.

Petorka je osumnjičena za organizovani kriminal, utaju poreza, falsifikovanje ili uništenje poslovnih ili trgovačkih knjiga, te podnošenje lažnih poreskih prijava.

- Između ostalog, postoji sumnja da su ova lica izbjegla plaćanje poreske obaveze u ukupnom iznosu od najmanje 5.532.287 maraka, i to u periodu od 1. januara 2011. do 12. oktobra ove godine, čime su stekli protivpravnu imovinsku korist i za taj iznos, prema dokazima kojima ra-



spolaže tužilaštvo, oštetili budžet Federacije BiH - naveo je izvor upućen u istragu. Do zaključenja ovog izdanja Pressa osumnjičeni su bili na saslušanju i nije bilo poznato da li je nekome od njih predložena mjera pritvora. Njihovo hapšenje u ponedjeljak su izveli pripadnici SIPA po nalogu Kantonalnog suda u Sarajevu. **D. T.**